

Uz podršku:
Institut za
razvoj mladih KULT



VIJEĆE MLADIH
FEDERACIJE BiH

Javni poziv za finansijsku podršku projektima mladih

<i>Oznaka poziva:</i>	JP-23/1
<i>Datum objave poziva:</i>	25. juni 2023. godine
<i>Rok za apliciranje:</i>	25. juli 2023. godine, do 23:59 sati

Javni poziv se raspisuje u sklopu projekta G(a)rant mladih koji provodi Vijeće mladih Federacije BiH uz podršku Instituta za razvoj mladih KULT.



SADRŽAJ

I KRATAK OPIS PROGRAMA	4
II OBLASTI OBUHVAĆENE POZIVOM	5
III OBAVEZNA DOKUMENTACIJA	7
IV VRIJEME TRAJANJA POZIVA	7
V FOND - IZNOS UKUPNIH SREDSTAVA	7
VI PODRUČJA OBUHVAĆENA POZIVOM	7
VI VRIJEME TRAJANJA IMPLEMENTACIJE	8
OPĆI USLOVI	8
VII ELIMINATORNI USLOVI	8
VIII PROFIL APLIKANATA	9
IX BODOVNI USLOVI	9
X FORMA PROJEKTOG PRIJEDLOGA	10
XI PRIHVATLJIVI TROŠKOVI	10
XII SUFINANSIRANJE	11
XIII PROJEKTI KOJI NEĆE BITI PODRŽANI	11
XIV NAČIN DOSTAVLJANJA PUNOG PROJEKTOG PRIJEDLOGA	12
XV KOMISIJSKA PROCEDURA	12
XVI FAZE SELEKCIJE	12
XVII DONOŠENJE ODLUKE	13
XVIII OSTALE RELEVANTNE INFORMACIJE	14



Vijeće mladih Federacije Bosne i Hercegovine je krovna organizacija za mlade, prepoznata i kreirana u skladu sa Zakonom o mladima u ovom bosanskohercegovačkom entitetu. U decembru 2015. godine je održana osnivačka Skupština na kojoj su predstavnici šest kantonalnih vijeća mladih formirali ovo udruženje, a koje od tada aktivno radi u oblastima javnog zagovaranja, rada sa mladima, politika prema mladima, te unaprjeđivanja omladinskog organizovanja u Federaciji BiH.

U skladu sa Statutom i propisanim internim pravilima i procedurama organizacije, Vijeće mladih FBiH raspisuje:

Javni poziv za finansijsku podršku projektima mladih

Detalji o Javnom pozivu kao i procesu apliciranja objašnjeni su u nastavku dokumenta.



I KRATAK OPIS PROGRAMA

Putem svog višegodišnjeg djelovanja, Vijeće mladih Federacije BiH uočilo je potrebu za jačanjem omladinskih struktura - lokalnih i kantonalnih vijeća, ali i omladinskih organizacija koja djeluju u zajednici sa ciljem poboljšanja položaja mladih. Kao krovno tijelo, Vijeće mladih FBiH postaje svjesno činjenice da je kreiranje prostora za mlade u kojem oni mogu djelovati kao katalizatori promjene u svojim zajednicama mandatno za daljnji razvoj bosanskohercegovačkog društva, te samim time umanjeње posljedica izazvanih masovnim iseljavanjima primarno stanovništva uzrasta od 15 do 30 godina.

Koristeći prednosti izgrađene strukture i mreže mladih u Federaciji BiH, kroz Javni poziv za finansijsku podršku projektima mladih, Vijeće mladih Federacije BiH želi prepoznati motivisane grupe mladih koji će u svojstvu neformalne grupe ili omladinskog udruženja doprinostiti poboljšanju položaja mladih u zajednici jačanjem lokalnog aktivizma, volonterizma, te omladinskog organizovanja.

Ovaj program jedan je od glavnih mehanizama Vijeća mladih FBiH za podršku organizacijskoj izgradnji kapaciteta, a namijenjen je obezbjeđivanju sredstava za realizaciju aktivnosti u sistemski važnim pitanjima za mlade, aktivističkim i volonterskim poduhvatima, zagovaranju i participaciji. Samim time, ciljevi dodjele granta su:

- 1) Povećati stepen društvenog angažmana mladih u strukturi Vijeća mladih FBiH i raditi na rješavanju aktuelnih problema mladih kroz pružanje podrške njihovim projektima na području Federacije BiH*
- 2) Osnajiti kapacitete neformalnih grupa ili omladinskih organizacija da sistemski djeluju na poboljšanju položaja mladih u zajednici;*
- 3) Povećati mogućnost učešća mladih u procesima odlučivanja, izgradnji međusektorskog dijaloga i saradnje, te uključivanja mladih u život zajednice.*



II OBLASTI OBUHVAĆENE POZIVOM

Primarne oblasti u kojima se dodjeljuje finansijska podrška omladinskim organizacijama i neformalnim grupama mladih su:

1) **Razvoj i podrška omladinskom organizovanju u FBiH**

- Osnivanje vijeća mladih na lokalnom ili kantonalnom nivou;
- Osnivanje omladinske organizacije, osnaživanje rada neformalnih grupa;
- Informisanje i promovisanje važnosti omladinskog organizovanja definisanog u aktuelnim dokumentima (Zakon o mladima Federacije BiH, aktuelne strategije na lokalnom ili kantonalnom nivou, akcioni plan općine ili grada)

2) **Aktivizam, omladinski rad, volontiranje i aktivnosti od značaja za mlade u lokalnim zajednicama**

- Aktivističke ili volonterske akcije (npr. čišćenje ili uređivanje parka, sadnja drveća, rad u narodnoj kuhinji itd.);
- Edukacije, seminari i radionice namijenjene razvoju aktivističkog duha i omladinskog rada u zajednici;
- Održavanje panel diskusija, debata ili konferencija;
- Aktivnosti koje ukazuju na određeni problem u zajednici (npr. flash mob aktivnosti);
- Informativne kampanje;
- Primjena i implementacija Zakona o volontiranju i sl.

3) **Projekti jačanja kapaciteta mladih u oblasti sistemski važnih pitanja**

Aktivnosti koje doprinose poboljšanju statusa mladih u oblastima

- mentalnog zdravlja;
- zapošljivosti;
- obrazovanja;
- sporta;
- ekologije i zaštite životne sredine i sl.



4) **Participacija mladih, omladinske politike i zagovaračke aktivnosti**

- učešće u procesima odlučivanja;
- učešće u radnim tijelima za mlade (npr. Komisija za pitanja mladih na lokalnom ili kantonalnom nivou);
- promocija demokratije i demokratskih procesa (npr. organizacija Tematske sjednice za mlade u općini ili kantonu);
- ostvarivanje saradnje sa predstavnicima vlasti;
- upućivanje lokalne građanske inicijative;
- uspostavljanje dijaloga mladih i vlasti (organizacije Razgovoruše) i sl.

5) **Mobilnost mladih¹**

Putovanje mladih u svrhu:

- uspostavljanja i kreiranja saradnje;
- rada na udruživanju lokalnih/kantonalnih organizacija oko istih pitanja;
- osnivanja vijeća mladih (na kantonalnom nivou) i sl.
- takmičenja koja imaju svrhu i pružaju daljnje razvijanje mladih u zajednici.

III OBAVEZNA DOKUMENTACIJA

Obavezna dokumentacija Javnog poziva predstavlja:

- **za organizacije:**

- Posljednje Rješenje o registraciji i

- Izvadak iz Registra omladinskih udruženja ili Ovjerena izjava Predsjednika/ce da upravljačko tijelo Udruženja čini $\frac{2}{3}$ mladih.

- **za neformalne grupe:**

- Izjavu predstavnika/ce neformalne grupe o starosnoj dobi članova neformalne grupe koja sadrži popis članova/ica neformalne grupe mladih ovjerenu u Općini i

¹ Mobilnost mladih isključivo podrazumijeva putovanja unutar Bosne i Hercegovine, izuzev drugačijih okolnosti i hitnosti podrške mladima u BiH. U tom slučaju, Vijeće mladih Federacije BiH zadržava mogućnost dodjeljivanja grantova za mobilnost mladih u skladu sa njihovim potrebama, kao i mogućnost podrške mobilnosti mladih van teritorija Bosne i Hercegovine.



- CV-eve svih članova_ica neformalne grupe mladih.

- i za organizacije i za neformalne grupe mladih - Projektna aplikacija i projektni budžet

IV VRIJEME TRAJANJA POZIVA

Poziv ostaje otvoren **od 25. juna do 25. jula 2023. godine, do 23:59 sati**. Nepotpune i neblagovremene prijave se neće uzeti u razmatranje.

V FOND - IZNOS UKUPNIH SREDSTAVA

Vijeće mladih Federacije BiH uz podršku Instituta za razvoj mladih KULT za ovaj Javni poziv izdvojilo je **40.000,00 KM** sa maksimalnim iznosom po projektu **do 5.000,00 KM**.

VI PODRUČJA OBUHVAĆENA POZIVOM

Područja koja su obuhvaćena ovim pozivom su:

- *Kanton Sarajevo*: Općina Stari Grad, Općina Centar, Općina Novo Sarajevo, Općina Novi Grad, Općina Ilijaš i Općina Ilidža;
- *Srednjobosanski kanton*: Busovača, Bugojno, Travnik, Novi Travnik, Kreševo, Kiseljak i Jajce;
- *Posavski kanton*: Orašje i Odžak;
- *Hercegovačko-neretvanski kanton*: Čapljina, Čitluk, Jablanica, Konjic, Mostar i Stolac.²

² Napomena: Omladinske organizacije koje djeluju na području cijelog kantona obuhvaćenog pozivom također mogu aplicirati na poziv (npr. Vijeće mladih Posavskog kantona i sl.)



VI VRIJEME TRAJANJA IMPLEMENTACIJE

Implementacija projekata podržanih Javnim pozivom traje **najmanje 3 a najviše 7 mjeseci**, te se nakon perioda implementacije Korisnicima granta ostavlja najviše 30 dana izvještajnog perioda.

OPĆI USLOVI

VII ELIMINATORNI USLOVI

Eliminatorni kriterijumi su:

- dostavljanje tražene dokumentacije
 - **za organizacije:**
 - Posljednje Rješenje o registraciji i
 - Izvadak iz Registra omladinskih udruženja **ili** Izjava Predsjednika/ce organizacije o statusu omladinske organizacije ovjerena u Općini.
 - **za neformalne grupe mladih:**
 - Popis članova/ica neformalne grupe mladih;
 - Izjavu predstavnika/ce neformalne grupe o starosnoj dobi članova neformalne grupe ovjerenu u Općini i
 - CV-evi svih članova neformalne grupe mladih.
- **osnovni kriterijumi:** da se omladinska organizacija ili neformalna grupa kroz svoje aktivnosti zalaže za poboljšanje položaja mladih u svojoj zajednici.



VIII PROFIL APLIKANATA

Na pozive za finansijsku podršku projektima mladih mogu se prijaviti:

- **Omladinske organizacije** - organizacije koje prema Zakonu o mladima Federacije BiH u svojim upravljačkim strukturama (Upravni odbor, Skupština) imaju zastupljene $\frac{2}{3}$ mladih uzrasta od 15 do 30 godina i koji su registrovani na nivou kantona u kojem djeluju **a koji je obuhvaćen pozivom**, ili na nivou Federacije BiH (Udruženja mogu biti registrovana na nivou BiH, ali djeluju u FBiH kantonima koji su obuhvaćeni pozivom);
- **Neformalne grupe mladih** od minimalno 3 a maksimalno 5 članova uzrasta od 15 do 30 godina, od kojih **minimalno jedan član/ica** tima mora biti punoljetan/na.

IX BODOVNI USLOVI

Sljedeći kriterijumi će se koristiti za pregled prijedloga projekata koji se podnose za finansiranje:

- **Relevantnost** - Projektni prijedlog treba prikazivati relevantnost bavljenja određenom tematikom i važnost njene realizacije za mlade.
- **Ideja i kreativnost** - Projektne aktivnosti se trebaju koristiti novim, inovativnim idejama u rješavanju navedenog problema.
- **Nužnost za rješavanjem** - Projekat treba objašnjavati ključan problem u zajednici koji se odnosi na mlade ljude i potrebu za njegovim rješavanjem.
- **Ciljna grupa** - Prijedlog treba objasniti kako se odnosi na mlade u zajednici i poboljšanje njihovog položaja u društvu.
- **Ostvarivanje partnerstava** - Prije početka implementacije projekta ili tokom trajanja istog, projekat treba jasno definisati ostvarivanje partnerstava i komunikacije sa organizacijama unutar zajednice ili institucijama vlasti ili privatnim sektorom.
- **Tehnički kriterijumi** - Prijedlog treba biti tehnički izvodiv, a to bi trebalo biti jasno prikazano u segmentu projektnih aktivnosti, korak po korak sa opisom zadataka, materijala i rada potrebnih za realizaciju planiranih aktivnosti.



X FORMA PROJEKTOG PRIJEDLOGA

Projektni prijedlog uz ostalu neophodnu dokumentaciju treba biti dostavljen u važećoj formi koje možete pronaći **na linku**.

XI PRIHVATLJIVI TROŠKOVI

Troškovi prihvatljivi putem finansijske podrške projektima mladih su:

- 1) **Osooblje na projektu** - Predstavljaju osobe koje su zaposlene (ugovor o radu) ili direktno vezane za rad organizacije i implementacije projekta drugom vrstom ugovora a koji ne prelaze više od 30% cjelokupnog budžeta. Npr. projektni koordinator/ica, projektni asistent/ica, finansijski administrator/ica.³
- 2) **Putni troškovi** - Obračun putnih troškova se vrši po svim važećim zakonskim propisima za službena putovanja (ukoliko se radi o ugovoru o radu) i u skladu sa interim procedurama aplikanta ukoliko se radi o drugoj vrsti ugovora ili su u pitanju učesnici aktivnosti.
- 3) **Uredski troškovi** - Troškovi režija, računovodstva, kancelarijskog materijala, poštarine, provizije, održavanja prostora i opreme, online alata, domena i hostinga.
- 4) **Organizacija događaja i aktivnosti** - Troškovi koji su nastali pri implementaciji projekta, a to su: trošak smještaja (obuhvata noćenje, hranu i osvježenje), iznajmljivanje prostora za rad, angažmana ljudi (moderator/ca, trener/ca, facilitator/ica i sl.), trošak radnog materijala (notesi, olovke, stikeri i sl.), trošak iznajmljivanja opreme, troškovi putovanja za učesnike događaja.
- 5) **Vidljivost projekta** - Troškovi koji su nastali u cilju povećanja vidljivosti projekta i njegovih aktivnosti. Npr. print promotivnih materijala (poster, cekeri, šolje, brošure, flajeri i sl.), dizajn, foto-video produkcija, online oglašavanje, baneri, troškovi objava u medijima/sponziranje objava.
- 6) **Administrativni troškovi** - Uključuju maksimalno 10 % od ukupnog odobrenog budžeta. Npr. bankovna provizija, održavanje bankovnih računa, administrativne takse, trošak reprezentacije (troškovi sastanaka, komunikacijski troškovi, troškovi knjigovođe, stručnog osoblja i sl).

Troškovi koje Vijeće mladih Federacije BiH **neće podržati** su:

- 1) Infrastrukturalni radovi

³ Odnosi se isključivo na omladinske organizacije



2) Kupovina robe i opreme koja iznosi više od 90% budžetskih sredstava

Obaveze, porezi i takse, uključujući PDV, su prihvatljivi u okviru aktivnosti koje podržava Vijeće mladih Federacije BiH u iznosu od 17%.

Sve administrativno-finansijske poslove u ime neformalne grupe obavlja Vijeće mladih FBIH ili neka druga lokalna organizacija sa kojom Vijeće mladih potpiše Ugovor o saradnji.

XII SUFINANSIRANJE

U potpunosti se ohrabruje sufinansiranje i podrška trećih strana unutar realizacije projektnih aktivnosti, a koja se ogleda kroz nekoliko kategorija:

- a) doprinosi partnera i/ili saradnika;**
- b) institucionalna podrška;**
- c) finansijska podrška drugih donatora.**

- a)** Doprinosi partnera ili saradnika na projektu se može ogledati u besplatnom ustupanju prostorija za rad, njihov angažman, znanje ili drugi resursi koje mogu staviti na raspolaganje projektu.
- b)** Institucionalna podrška može podrazumijevati finansijsku podršku općine/grada/kantona ali i podršku tokom realizacije projektnih aktivnosti (pismo podrške, sastanak sa predstavnicima vlasti zaduženim za pitanje važno tokom realizacije projekta i sl.).
- c)** Tokom trajanja projekta, aplikant može iznaći dodatnu finansijsku podršku od strane drugih donatora (fondacija, privatnih kompanija itd.) koji im mogu pomoći tokom realizacije aktivnosti na bilo koji način - npr. besplatno štampanje promotivnog materijala, sendviči iz pekare i sl. Također, sufinansiranje projekata se može ogledati i u robi i uslugama, s tim da će Korisnici dostavljati dokaze i o toj vrsti učešća drugih organizacija, donatora ili institucija.

XIII PROJEKTI KOJI NEĆE BITI PODRŽANI

Vijeće mladih Federacije BiH **neće** podržavati:





- projekte koji promovišu nacionalizam, nasilni ekstremizam ili bilo koji način govora mržnje;
- projekte koji ugrožavaju osnovna ljudska prava, potiču diskriminaciju i segregaciju ili degradiraju pripadnike/ce drugog spola, grupe ili pojedinca;
- projekte koji se isključivo odnose na jednokratne događaje, osim u slučajevima kada su dio trajnijeg i sveobuhvatnijeg projekta;
- projekti koji se odnose na povremene konferencije, osim ako su neophodne za uspješnu implementaciju projekta;
- projekti koji su usmjereni prema finansiranju aktivnosti političkih stranaka;
- projekti koji su namijenjeni za isključivu dobit pojedinca;
- projekti koji se zasnivaju na dodjeljivanju sredstava trećoj strani.

XIV NAČIN DOSTAVLJANJA PUNOG PROJEKTOG PRIJEDLOGA

Puni projektni prijedlog se dostavlja u periodu **od 25. juna do 25. jula do 23:59 sati** putem web stranice Vijeća mladih Federacije BiH **na ovom linku**. Nakon apliciranja, aplikanti će dobiti automatsku potvrdu o pristignuću njihove aplikacije, a nakon završetka Javnog poziva svi aplikanti će putem maila: grantovi@vijecemladih.ba biti obaviješteni o statusu njihove aplikacije najkasnije 30 dana nakon podnošenja projektnih prijedloga.

XV KOMISIJSKA PROCEDURA

Nakon isteka roka apliciranja na Javni poziv, Komisija za odabir projektnih prijedloga započinje proces selekcije i odabira projektnih prijedloga prema prethodno utvrđenim kriterijumima a koji će trajati najviše mjesec (30) dana.

Komisiju za odabir projektnih prijedloga čini: stručni saradnik/ica za dodjelu grantova, finansijski administrator, član/ica Upravnog odbora Vijeća mladih FBiH i jednog eksternog člana/ice. Vijeće mladih Federacije BiH zadržava mogućnost odabira eksternog člana ili članova na osnovu Javnog poziva za prijavu eksternog člana/članova u Komisiju ili drugim internim procedurama.



Komisija za odabir projektnih prijedloga sastaje se do dva puta mjesečno uz mogućnost vanrednog sazivanja sjednice Komisije. Svaki od članova/ica će imati mogućnost bodovanja svake pristigle projektne aplikacije prema kriterijumima definisanim u Pravilniku.

XVI FAZE SELEKCIJE

Komisija će prema kreiranoj bodovnoj matrici vršiti procjenu i izbor aplikanata za dodjelu finansijskih sredstava.

U prvoj fazi selekcije će se izvršiti pregled prijave, te provjera da li aplikanti zadovoljavaju sve eliminatorne kriterije koji su navedeni kao preduslov. Ukoliko su eliminatorni kriteriji zadovoljeni, pristupa se drugoj fazi selekcije - evaluaciji koja se sastoji od bodovanja prijave aplikanata prema osnovnim i bodovnim kriterijima.

XVII DONOŠENJE ODLUKE

Aplikacije ocijenjene sa preko 75% ukupnih bodova svih članova Komisije ulaze u uži krug selekcijskog procesa. Prilikom razmatranja projektnih aplikacija koje su prošle u uži krug, Vijeće mladih Federacije BiH zadržava pravo kontaktiranja aplikanata ukoliko su u cjelokupnoj aplikaciji potrebne dodatne informacije, potvrde, izmjene, revidiranja i sl.

Finalna odluka Komisije za odabir Korisnika granta donosi se $\frac{2}{3}$ većinom glasova članova/ica Komisije.

Vijeće mladih FBiH se obavezuje da će sve prikupljene podatke i informacije dostavljene u okviru apliciranja na Javni poziv koristiti isključivo u obradi granta.


Sva tehnička, informativna pitanja ili potrebe aplikanata tokom trajanja Javnog poziva potrebno je dostaviti putem mail adrese: grantovi@vijecemladih.ba



XVIII OSTALE RELEVANTNE INFORMACIJE

Prilog 1: Upute za apliciranje

- 1) Uđite na web stranicu www.vijecemladih.ba i kliknite na gumb “Imaš ideju?”



- 2) Pri dnu stranice na kojoj se nalazite, preuzmite sve formulare potrebne za nastavak procesa apliciranja



Rok za apliciranje:

25.7.2023.godine,
do 23:59 sati

Prilog 1 - Projektni prijedlog

IZJAVA - forma za neformalne grupe mladih

Prilog 2 - Forma Budžeta

IZJAVA - forma za omladinske organizacije

3) Nakon što popunite formulare, kliknite na gumb “Apliciraj”

Javni poziv za finansijsku podršku projektima mladih

Apliciraj



4) Popunite online obrazac, umetnite potrebne formulare i predajte svoj projektni prijedlog!



Prilog 2: Često postavljena pitanja (FAQ)

- 1) Klikom na gumb “Imaš ideju?”, u nastavku možete pronaći sekciju sa FAQ - Često postavljenim pitanjima koje vam može pomoći pri apliciranju.

FAQ - Često postavljena pitanja

Pojmovnik

- Mladi – prema Zakonu o mladima FBiH, mladima se podrazumijevaju osobe od 15 do 30 godina
- Neformalna grupa mladih – grupa sačinjena od najmanje troje mladih ljudi uzrasta od 15 do 30 godina okupljenih oko iste ideje i vizije
- Omladinska organizacija – udruženja, organizacije ili asocijacije legalno osnovane kod nadležnog ministarstva, a čiju upravljačku strukturu čine $\frac{2}{3}$ mladih uzrasta od 18 do 30 godina

Apliciranje

- ✓ 1. Razmišljamo da se prijavimo na G(a)rانت mladih. Kako da počnemo?
- ✓ 2. Koje ideje su najkonkurentnije za dobivanje G(a)rانتa mladih?
- ✓ 3. Koje ideje nisu konkurentne za dobivanje G(a)rانتa mladih?

Kvalificiranost

- ✓ 1. Ko može aplicirati na G(a)rانت mladih?



Prilog 3: Bodovna matrica prema kojoj se ocijenuje projektni prijedlog

Opis kriterijuma	Broj bodova	Dodatne informacije (ukoliko je relevantno)
Osnovni kriterijumi		
Prethodno iskustvo u realizaciji omladinskih projekata koji se mogu vidjeti putem opisa prethodnih aktivnosti, iskustva projektnog tima i društvenih mreža aplikanta.	10	
Bodovni kriterijumi		
Relevantnost - Prethodno iskustvo u realizaciji omladinskih projekata koji se mogu vidjeti putem opisa prethodnih aktivnosti, iskustva projektnog tima i društvenih mreža aplikanta.	15	
Ideja i kreativnost - Da li su projektne aktivnosti kreativne, prikazuju novi pristup u radu sa mladima i da li sadrže inovativne ideje i pristupe pri rješavanju navedenog problema?	10	
Nužnost za rješavanjem - Da li projekat objašnjava ključan problem u zajednici i potrebu za njegovim rješavanjem?	10	
Ciljna grupa - Da li i kako projektni prijedlog osigurava poboljšanje položaja mladih u zajednici?	10	
Ostvarivanje partnerstava - Da li projekat radi na umrežavanju sa zajednicom, kreira saradnju i partnerstva? Zašto su pomenuti partneri važni za	5	



realizaciju projekta i kako doprinose općem cilju projekta?		
Tehnički kriterijumi - Da li su projektne aktivnosti povezane i dobro opisane? Da li je jasno na koji način se provode aktivnosti i kako utiču jedna na drugu? Da li su opisane aktivnosti realne i tehnički izvodive, te smislene?	10	
Održivost - Da li i na koji način projekat osigurava svoju održivost? Da li je budžet projektnog prijedloga transparentan, da li je utrošak sredstava realno kreiran i odgovorno planiran?	10	
	Total: 80	



Izradu Javnog poziva podržao je Institut za razvoj mladih KULT. Stavovi izneseni u ovom Javnom pozivu nisu i ne mogu biti smatrani stavovima Instituta za razvoj mladih KULT, već isključivo autora.

xx KRAJ DOKUMENTA xx

